

LO CRUM BLU

Legida d'albòm	Sedença 1: descubèrta de l'albòm (la cubèrta, lo títol, l'autor)	Cicle 2
Estudi literari		

- Espia la cubèrta dau libe e escriu dens los cadres los mots perpausats :

lo títol - l'imatge - l'autor

- A ton vejaire, de que pòt parlar aquesta istuèra? Colorida la bona responsa.

L'istuèra parla d'un sorelh blu.

L'istuèra parla de l'aiga blua.

L'istuèra parla d'un crum blu.

L'istuèra parla d'un ausèth blu.

- Respon a las questions:

- Lo títol de l'istuèra es:
- .
- L'autor dau libe s'apèra:

D'autres libes de Tomi Ungerer :





S2

LO CRUM BLU

Sedença 2: legida de las paginas 1 a 3

Cicle 2



E i avèva un còp, un petit crum blu.

Vivèva urós e la luna era son amiga. Pas jamèi seguiva los tropèts de crums. Anava tostemps on l'embeja lo portava.

En maishant temps, non volèva pas se héser plàver.

En temps d'auratge, se trufava daus autes crums qu'ensajavan de li jitar eslambrecs dessus.

Las sèrps-volairas, un còp passat dehens, sortivan tots blus. Los ausèths tanben e medish los avions.

1. De qui parlam? Arreliga.

Vivèva urós.		Las sèrps volairas
Sortivan tots blus.		Lo crum blu
Ensajavan de li jitar eslambrecs.		Los autes crums

2. A tu de tornar botar las frasas dens l'òrdi:

- *E - avèva - i - còp - un - blu - petit - crum*

- *son - amiga - La - luna - era*


3. Dessenha lo crum tot blu e las sèrps-volairas que passan dehens.



Vocabulari:

Un crum	L'auratge	Un eslambrec	La sèrp-volaira





S3

LO CRUM BLU

Sedença 3: legida de las paginas 4 a 6

Cicle 2

Com non volèva pláver, lo crum blu èra de mei en mei grós.



Curiós de véser lo monde, volut héser un viatge...

Cambiava de blu tot çò qu'encontrava sus son camin: dau som de las montanhas au cap daus tòcacèus.

Estot hòrt coneishut. Los jornaus e la television anonciavan son arribada. Èra hòrt de mòde.

Quauques gents lo trobavan atau com un envidor dau cèu. Estot lèu adorat.

Vocabulari:

Un tòcacèu	Lo jornau
	





1. Respon a la question dab una frasa :


- Que vòu héser lo crum?

2. Colorida la bona fin de frasa:

- Lo crum era de mei en mei
- Cambiava tot en
- Lo crum blu estot lèu

3. A tu d'arreligar l'imatge a la bona frasa:

Lo crum era de mei en mei grós.	
Estot lèu adorat.	
Cambiava de blu tot çò qu'encontrava.	



S4

LO CRUM BLU

Sedença 4: legida de las paginas 7 a 8.

Cicle 2

Un jorn, que lo crum èra tranquilòt a flotejar dens l'espaci, vesot pujar davant èth un crumàs de hum negre.

Curiós, s'apochèt e descobrit una ciutat a se cramar.

S'apochèt enqüera mei. Ne vesot pas sonque que tuadera e raubatge.

Los blancs tuavan los negres, los negres ausivan los jaunes, los jaunes perseguivan los roges e los roges tuavan los blancs.

Orrorrisat per tant de violencia, lo crum blu decidèt de se deishar plàver atau d'atudar lo huc.

Estot una plavadèra blua.

Vocabulari:

De hum	Una ciutat	Una plavadèra
		

1. Colorida la bona resposta:

- Lo crum blu vesot una ciutat

urosa.	en guèrra.
--------	------------
- En véser la violencia, lo crum decidèt

de plàver.	de partir.
------------	------------
- Estot una plavadèra de color




ròse.	blua.
-------	-------

2. A ton vejaire, que se passa dens aquesta ciutat?


.....

.....

3. Arreliga los imatges a las bonas frasas :

Lo crum vesot pujar un crumàs de hum negre.	
Ne vesot pas sonque que tuadera e raubatge.	
Estot una plavadèra blua.	





S5

LO CRUM BLU

Sedença 5: legida de las paginas 9 a 10.

Cicle 2

Lo crum blu se vuedèt dinc a la darrèira gota e desapareishut.

La plavadèra atudèt lo huc e tot vasot de blu.

Adara, tot lo monde èra de la medisha color.

La patz arribèt sau pic e tot lo monde hesot la hèsta.

Una navèra ciutat sortit de las roïnas.

Una ciutat on tot los ostaus èran pintrurats de blu, atau de se remembrar dau crum blu que s'èra sacrificat.

1. Que hesot lo crum blu per estancar la guèrra?

.....

2. Que passèt après?

.....



3. Nombra las frases dens l'òrdi de l'istuèra:



	Lo crum blu vesot una ciutat on i avèva la guèrra.
	E i avèva un còp, un crum blu que ne voleva pas se héser plàver.
	Per estancar la guèrra, se hesot plàver dinc a la darrèira gota e desapareishut.
	Trensformava de blu tot çò qu'ècontrava.
	Lo crum blu decidèt de héser un viatge.
	Lo crum blu era hòrt coneishut. Tot lo monde parlava d'èth.